



Spunti di riflessione più o meno inediti – n. 11 (29/02/2012)

a cura del Centro studi e documentazione sullo scouting – AGESCI Sicilia

San Giorgiu cavalieri

La cantata è stata composta nel 1985 a Riposto in occasione del San Giorgiu del CNGEI Sicilia. Ogni Unità preparò un ban inedito per il fuoco di bivacco, così la Compagnia di Riposto presentò "San Giorgiu Cavalieri" su musica del cantastorie ripostese Orazio Strano, caposcuola e uno dei più grandi cantastorie siciliani. Il testo della cantata, scritto da Pippo Lo Cicero, è stato pubblicato su "GeiSicilia", dicembre 1985, [p. 11]. Qui si trova l'audio della cantata <http://www.youtube.com/watch?v=jRKMbPBdWTI>

I numeri precedenti di questi "Spunti..." si trovano su: sicilia.agesci.it/csd - "Pubblicazioni del Centro" - "Spunti di riflessione".

A storia ca vulemu raccontari
è chidda di San Giorgiu cavalieri
a lancia la sapeva maniàri
n'aveva mai bisognu di scuderi.

Signuri mei, ranni e picciriddi
omini, fimmini e macari chiddi,
avvicinativi puviriddi e ricchi
stuppattivi li zucchi di la ricchi.

**Chista è a storia di 'ngranni cavalieri
d'oggi d'aieri e di millanni arrieri.
Ca ci avanzava tantu di curaggiu
ca u rialava comu feddi di formaggiu.**

Giorgiu, ci misiru quannu u vattiaru
criscennu li rignanti s'addunaru
di la so' nubiltà e stu pilieri
u ficiru di cussa cavalieri.

Jemu ca na stu regnu beddu ranni
c'era però a sventura di tant'anni
nu ddragu cu tri curi e setti testi
sghicciannu focu, scuminava i festi,
e ppi tinillu annicchia arrizzitatu
si ci ava ddari a stu sdisanuratu
na picciuttedda e ni faceva mmorsu
comu 'ncirasu senza ittari l'ossu.

**Ngnomu tirannu a polisa murtali
'o nesci giustu a figghia du riali**

**e li sudditi facennu comu anciddi
ittannu uci, tirannusi i capiddi.**

Ma di luntanu sutta 'nsuli chiaru
Supra 'ncavaddu jiancu, comu 'nfaru
arriva Giorgiu cu la so armatura
ppi sburdiricilla tutta dda sbintura.

Ora su di facci, u mostu e iddu
e Giorgiu ca satava comu ariddu
attornu o vili quannu no 'ncagghiava
pi li gran corpi i cura ca bbiava.

U dragu ittava focu i tutti i 'ncagghi
pi quantu Giorgiu si calava l'agghi
ma no sapeva l'amaru, ca a so fini
era arrivata propriu a li cunfini.

**Infatti Giorgiu pattennusi i luntanu
ca lancia in resta e nu pugnali 'nmanu
ci sdivaca ddu ferru 'ndda lu cori
gridannuci contempu : "Nfami mori"**

Lu demuni 'nfernali sguazzaria
si torci, si cuntorci e sdilliria
e all'uttimu gridannu comu 'mpazzu
casca di bottu ammenzu u pruulazzu.

Ccu 'ddattu di curaggiu finammenti
si ci ava datu lu rinfriscu e genti
e Giorgiu cch'era dda, tuttu sudatu
ammenzu a fudda Santu pruclamatu.